

丹房奧論

學仙子程了一著

一論真土凡土

土爲天地之中炁功能攢簇五行生育萬物金得土則生木得土則旺水得土則止火得土則息修鍊者無土不可成丹不死此硫黃芽猶農家不耕田而欲得禾難矣故先賢立真土之說以悟後學可不知之夫入石稟炁於天成形於土其性嗜陰而畏陽遇火則飛莫知所向若經草木煮鍊金石溫養留形住質能與天地齊堅日月共久若以點化五金制養諸藥皆可成寶此名真土如磁石石中黃陽起石之類亦可作外匱養藥惟其道藏輯要

丹房奧論 中昂集五 川文上

形質頑囂志性愚濁故其功不侔耳

二論真鉛凡鉛

真人云真鉛不與世鉛同修鍊全憑造化工一鼎可藏龍與虎方知宇宙在其中此言真鉛奧妙世人不知是何物拘泥黃丹韶粉或者鉛中取銀砂中取金謂其元炁未散認作真鉛去道遠矣真鉛卽水銀一味更無餘物須是不經母氣入真土匱溫養日久遇火成質鉢輔不折分耗其功可以起死回生返童還老瓦礫遇之立成至寶此名真鉛乃五金之母還丹之祖黑鉛再爲藥中之害若用非其法則諸藥隨成懦質竟爲棄物尤難改制修丹之士深宜察焉